

# *Trump mensogas pri realo de kronviruso en Usono*

---



Vaŝingtono, feb 27 (RHK) Spite al la kritikoj de senatanoj al la registaro pro ties indiferento fronte al kronviruso kaj urĝa stato en kelkaj usonaj ŝtatoj, Trump klopodas minimumigi la riskon kaj kaŝi la malsanul-nombrojn.

La departemento de sano kaj sociaj servoj usonaj konfirmis 60 kazojn de kontaĝitoj pro la nova kronviruso en Usono, tamen, la prezidento Donald Trump klopodis minimumigi la gravecon de la krizo en la lando kaj deklaris ke estas nur 15 kazoj en Usono, kio estigis kritikan ondon flanke de diversaj amaskomunikiloj de tiu lando.

Li deklaris ke “danke al tio kion ili faris, la risko por la usona popolo daŭre estas minimuma”. Tion li faris dum en kelkaj ŝtatoj kiel Kalifornio, la aŭtoritatoj deklaris urĝan staton pro Covid-19. Ankaŭ en Miamio, en la ŝtato Florido, kelkaj hospitaloj konfirmis la pretecon atenti eventualan burĝonon de la malsano.

La demokrata gvidanto en la Senato, Chuck Schumer, kritikis la subtakson de la administracio de Trump pri la kreskanta burĝonado de la kronviruso; ankaŭ la prezidantino de la reprezenta ŝambro, la demokrata Nancy Pelosi, taksis “hontinda” la reagon de Trump antaŭ la menciita burĝono de la malsano.

Oni diskonigis ke la Blanka Domo ka?as la ekzaktan nombron de malsanuloj dum akuzas aliajn landojn, kiel Irano, ekzemple, ne informi klare pri la viruso en ?ia teritorio.

Anka? ?ina amaskomunikilo emfazis ?i-semajne ke Va?ingtono ka?as la veron al la usona popolo pri tiu ?i situacio de la kronviruso en tiu norda lando.

---

<https://www.radiohc.cu/index.php/eo/noticias/internacionales/215474-trump-mensogas-pri-realo-de-kronviruso-en-usono>



**Radio Habana Cuba**